



Uunga siunnersuut: Ilinniartitaanernut Inuussutissarsiutinullu siunnersuisarneq pillugu Inatsisartut inatsisaannik allanngineq pillugu Inatsisartut inatsisissaattut siunnersuut nr. xx, xx. xxx 2018-imeersoq. (Ilinniagaqartunik tarnikkut isumaginnikkullu siunnersuisarneq pillugu ilassut, ilitersuisarnerup ilaatut, aamma Siunnersuisarnermut Siunnersuisoqatigiit katitsigaanerat pillugu allannguut, aamma kalaallisuuani iluarsisutit § 11, imm. 2, § 12, stk. 1, § 12, imm. 2, oqaaseqatigiit aappaat, aamma § 25 inatsisip kalaallisut oqaaseqaataani.)

(Ilinniartitaanernut, Kultureqarnermut, Ilisimatusarnermut Ilageeqarnermut Nunanut Allanullu Naalakkersuisoq)
(Siullermeerneqarnera)

Siullermik naalakkersuisunut qujarusuppugut uunga inatsisissatut siunnersuummut.

Demokraatiniik isumaqarpugut nukinnik ataatsimoortitsineq ataasinnguamilluunniit aporfissalersorneqassanngittuq. Akerlianilli nukittorsertariaqaripput inuiaqatingiit ikittunnguungatta nukiit eqqortumik inunnik ikiuinnermut atorneqarnissaat pisariaqartipparput. Uanilu inatsisissatut siunnersuummi taannarpiaq anguniarneqarpoq.

Naalakkersuisut tassuuna eqaallisaanerat tamakkiisumik taperseparput.

Ilinniartut siunnersorneqartarneranni oqaloqatingineqartarneranilu erseriartorsimavoq ilinniartut pisariaqartitsinerat qanoq annertutiginersoq. Tamannalu ersiutaavoq inuiaqatingiittut qanoq nammatagut oqimaatsinginersut, tassami immaqa imak oqaatingineqarsinnaavoq, inuiaqatitsinni ilinniartinnut ingerlaqqittut taakkuupput. Arlaatigut inuit nukissaqarlutik ingerlariaqqissimasut. Kisianni taamaakkaluartoq ilinniartoqarfiit siunnersuisarfianniik takuneqarsinnaavoq qanoq pisariaqartinneqartiginersoq, inuttut arlaatigut Tapersersungassat ikinngimmata.

Tamannalu aamma demokraatiniik apeqquserusupparput isumaqaratta kingusippallaartukut inuit oqimaattorsortut ikiorserterlutigit. Oqimaarsaatit taamaattut siusissukut isumangineqarlutillu iliuseqarfingineqartanissaat aaqqittariaqarparput, ilumoorsinnaanngilaq inuit amerlasoorpassuit. Ilinnialereernermi kingorna aattaat ikiorserneqarlutik oqaloqateqartalartarnerat. Tassa tamakku meeqqerivinniilli suliassat inuiaqatingiittut suli pikkoriffingilersimangisagut.

Neriuppunga partiit tamattaalluta naapiffinginerulissangipput pissutsit aallartiffii isinginiarnerulissallugit, takussaavallaaqaq pisut ikuallalereersut qamiteriniartarnerput. Pikkoriffinginerusariaqarparput ajornartorsiutit aallartiffii eqqumaffingissallugit, aaqqiivingissallugillu.

Aningaasammi ullumikkut atortakkagut annertuallaarujussuarput inuit ikiorserniartaratsigit inersimasunngoreersut.



Systimitta tappiffinginerusariaqarpai inuit atorfissaqartitai suunersut, siusinaartumillu qisuariarsinnaanerit pitsaanerpaaffimmiittariaqarput taamaaliunngikkutta. Ilinniartunut siunnersuisarfiit allingaluttuinnassapput aningaasartuutillu annertusingaluttuinnassallutik. Tamannalu mumisittariaqarparput.

Taamatut oqaaseqarluta siunnersuut ilinniartitaanermut ataatsimiitsitaliamut ingerlateqqipparput.